



耕餘居士詩集卷三

餘姚鄭世元黛參著

門人江

相星左纂

廣陵集

先生三十以前鍵戶讀書不交一人不接一物辛巳年三十一始遊廣陵授經于柳巷之南主人家壬午仍客廣陵是冬以太先生春秋高終歲作客隔別千里不得時消息力辭歸總兩年計一卷江相識

正月二十四日出門作

黍符栢酒一番新惆悵今年是客身不信文章誠底用  
祇供憂患却何因家無恒產難爲士祿歉高堂實愧人  
甞是老年心血少思兒勿寫玉鈎春

雙馬圖歌

饑嚙青芻癢摩樹時無孫陽向誰訴如今驂駟辱奴隸  
何似精神托毫素君不見黃金絡頭八寶鞍局束轅下  
無時閒翠鬣碧蹄飽風雪終日悠悠行路間

吳中別蘆村

南辭越嶠滯吳關客淚飄零見汝歡五日爲期淹信宿  
十年嘗味遍辛酸弟兄都被饑驅散山水聊因便帶看  
第一寢門誰問視寄書先爲報平安

阻風京口登多景樓

昨夜停橈住京口早來多景看驚波果然風雨能畱客  
如此江山忍負他晦暝陰陽無定候興衰今古起長歌

平吳破蜀須臾事極目茫茫有釣蓑

大風登金山

雪捲雷奔望欲愁年年夢挂此峰頭誰能性命拚山水  
我有神明契石尤快似御風騎赤鯉險如入峽望黃牛  
憑高一縱千秋眼 飛空也出遊

過瓜洲

氊裘皮帽衝寒渡古雉瓜形亂石多行盡江南又江北  
疲驢風雪醉中馱

奉和家大人寄詩

半春遊子思家處千里高堂念我時無那弟兄都在客

轉因貧病獨憐兒，天涯又是逢寒食。膝下誰爲奉酒卮，負米遠來身似繫。望雲愁結髮驚絲。

### 平山堂

古寺松篁一徑幽，歐公遺躅起歌謳。大明素綆銀牀冷，北固青山鐵甕浮。人與斯堂畱月旦，後誰爲郡繼風流。始知文士千秋貴，何處隋皇尚有樓。

山左觀音閣爲迷樓故址

### 觀音閣

肝腦經營地，旃檀竟結林。土花生碧血，佛座粲黃金。秋菊香猶苦，寒螢夜自深。至愚無足惜，行樂爾甘心。

### 高郵別舍妹還揚

欲別不忍別，欲住不可住。三年纔一見，一見僅三暮。淚鋪青銅鏡，魂遶紫荊樹。鴉啼北城門，殘月正飄素。良人遠，尋役大江隔。湘楚邑貧稻粱艱，十指力難副嫁衣。質米盡，身裙不完布。前年遭大水，田廬盡漂注。城中雀鼠空，何從索租賦。熒熒堂上姑，哇哇懷中乳。老幼倚一人，三餐不完具。去年澤腹堅，南北斷行路。音書不能達，窮愁可誰訴。嗟嗟天與人，嫁此實成誤。我爲饑所驅，旅食廣陵寓。一兄與一弟，東西各奔赴。嚴親老易悲，晨昏誰與娛。妻嬌女復稚，門戶誰保護。見汝固所願，反令百憂聚。維揚非我家，我歸亦何處。進退難復難，揮手屢回顧。

和答查星南客蘇長歌見懷原韵

今年自怪遊興壯馬首南來恰北向丈夫有志在四方  
株守窮年竟何望妻孥宛轉向我言揮手出門氣豪宕  
親朋作別餞酒卮贈以詩篇句清曠渡江來看廣陵潮  
官閣梅花亦纔放我時意氣甚飛揚古跡殘碑恣探訪  
有花得酒便醉眠騎馬覓人共酬唱那知五月坐空齋  
別緒紛拏太無狀良時佳節等閒度寒食端陽已逾兩  
每懷親舊望故鄉隔斷江頭幾青嶂少婦紅顏親白髮  
九轉迴腸日摩盪憐君踪跡與我同且有文詞不相讓  
君詩忽犯怒濤來江水荒荒正新漲江花江草自年年  
北雁南魚幸無恙水曹何遜苦羈孤臯廡伯鸞亦愁樣  
闔閭城東明月光虹橋彩鷁燈疎爽同遊見面苦無期  
惟有詩篇互來往

初夏卽事

看遍揚州芍藥花春歸人獨滯天涯黃犀小盞羔兒酒  
画鷁單衫杏子紗皓月剪羅初試扇博山分火晚煎茶  
樊川有夢都成恨翹首南風雁字斜

寄荅桐臯上人客金山蔡將軍幕府手書存問

印公今卓錫聞在妙高臺玉帶尋遺事金山剩劫灰

時金

山浮圖故人三月夢江水一書來醜酒看橫槊吟詩羨

初燬

爾才

又寄桐上人

三春豔花歷亂紅我乘短舸來吳中坐君豔花菴裡月  
看君捉麈揮春風一別豔花開又謝我往維揚君白下  
殘紅門外掃成堆秧水江頭滑如砑新來有客自金山  
聞說君從白下還將軍高捲紅蓮幕置君日日翠微間  
別君憶君愁欲絕豔子青青又如血何時携酒上山樓  
醉看江濤蹴寒雪

又寄桐上人三首

擘窠書法蘇髯子五字詩工庾子山索句乞書忙不了

笑君何似在家間

山房面面敞虛窻六月山中暑氣降想得豔花舊長老  
葛衫葵扇坐臨江

來鶴樓頭望來鶴我來騎鶴已多時于今南返無歸鶴

要問山僧借鶴騎

蔡將軍延上人  
于金山來崔樓

題桐臯畫竹

寫時夾雨夾煙寫墨氣清空暑可降兩三四個吾意足  
只少瀟湘水一江

戲答桐臯許來揚不果見寄詩

振衣吟上舊城樓江水何能爲洗愁連日南風風力細

野航吹不到揚州

詩去喜桐師過訪用前韻

君來倒屣下書樓喜得閒拋一日愁去伴阿師堤上望  
亂鴉疎柳認揚州

陪桐師泛舟虹橋再用前韻

堤前半是酒家樓樓上歌聲樓下愁行到堤前坐樓下  
人生只合死揚州

初伏日友人招飲泛舟虹橋值雨晚霽至法海寺  
亭午出郭遊維舟綠楊畔陰風刮崖樹霏煙散湖畔甘  
雨來如酥炎烝盡驅散涼翠落衣襟爽氣集几案撥刺

翻游魚拍拍起老鸛潤霑荷花香緋纒柳絲亂萬象陰  
昏冥青天似垂幔一望空濛中模糊若塗攛座中觴政  
行淋漓爵無算亦如長鯨吞亦似漏卮灌狂飲駭奴僕  
雅謔雜童冠少焉西山頭雨歇輕陰泮餘光餞納月法  
海歷巍煥豐碑馱元龜細字剔蘚看司徒冷香火雷塘  
跡漫漶坐久昏鐘催歸影明更粲微陽透雲罅奇峰疊  
天半綠水涵碧空殘虹掛霄漢化工無端倪壯哉此大  
觀怪煞舟師忙雙篙亂如鑽畫橋燈火紅隣舟度香汗  
我今真醉心狂發不能按伸紙一放歌龍蛇走雙腕

送從兄還南

方將沽酒邀兄醉不道騎驢別我歸  
蓴菜熟時魚正上  
稻花香處蟹應肥  
江鄉洵美今回棹  
妻子相迎笑啟扉  
何異登仙真可羨  
奈如籠鳥不能飛

六月二日得陳虹升舉子信喜書長句奉寄

看山老人云有子萬事足  
余默誦斯言終夜嘗跼促  
年過三十頭髮蒼轉眼無兒鬢  
毛禿謝家女兒何太多  
大者能言小能哭歡娛亦足慰  
眼前尋母呼耶轉親熟  
相知同病更憐君無女如花子  
如犢年尤長予四十強  
此事較余分緩速  
黃金費盡買傾城  
夢斷蘭香在幽谷  
便教阿智亦快心  
詎道鸞雛敢私祝  
我今衣食急奔走  
嬌

女如花不在目空梁  
月落只思家此事荒唐那置腹  
饑來有口難自謀  
何暇思量到似續  
君書忽自故鄉來  
字字從頭看反覆  
王家寧馨實人瑞  
徐家石麟乃天育  
念君欽欽得此信  
喜極還將余愁觸  
君家高樓百尺高  
想見明珠光照屋  
此日啼聲雖不聞  
他時父書諒能讀  
見翁不是尋常翁  
此子龍駒豈凡俗  
予非諛言學媚人  
天道從來善人福  
嘗聞將種出將門  
我於見翁可預卜  
阿翁生兒母嫌遲  
笑我形骸類槁木  
廣陵城裡多娉婷  
雙頰塗脂看掃綠  
昔夢雖然嘗在心  
買之恨無珠一斛  
誰得如君有阿蠻  
年紀盈盈十五六  
芳春不獨顏色好  
會



養佳兒美如玉君今萬事何所求君真有子萬事足。

揚州雜懷十五首

綠染江痕鴨色新碧山開靨正迎人日長湘簟鋪方枕  
卧讀歐詩過一春

白雪精神齊海鶴近來幽興足山居菊苗新向隣家乞

乘雨堦前自把鋤聞家大人種菊數十本

我有澄心一幅紙蠶繭麥光都不如那得王郎三升鼠鬚

筆看他閒作擘窠書

東海周敬眼如電曾賞予文世一人今日一江相隔斷  
馬肝蛾綠任他塵

絕世風流真豔煞吳郎曾守標致出人羣綠窻睡起看梳

洗手搗花枝媚細君

麥風秧雨日紛紛離思和愁總十分舊友西溪無一箇

詩筒來往只南雲星南行入自呼南入

羨煞江東兩碧瞳詩翁四十果為翁吟箋試賞新來句

字字明珠落掌中接虹升得子詩

夜涼風色上呆恩虬箭銅壺刻漏遲想得洞房扶醉去

兩行紅燭照題詞聞莊肇升新婚

雨餘天色碧於藍晚閣輕涼酒半酣二十四橋今夜月

照人幽夢到江南

空江昨夜濺飛濤。碧水鞞紋漲一篙。天道桐師詩興發，也將風雨潤枯毫。

京江卧病信音稀。聞說孤舟獨自歸。一到五更驚坐起。

旅魂夜夜遶舡飛。

聞大兄來揚未渡江以病過返

春水迢迢少寄書。士龍笑疾近何如。朝來荷笠江頭去。

欲把湘竿釣鯉魚。

來時江水碧如煙。明月維揚幾箇圓。今夜清光如有意。

爲予流照晚粧前。

小妹多愁新喪女。阿兄憔悴病軀孱。極憐相顧無相見。

惟有青銅照淚顏。

脫網鱗魚來似雪。筠籃吹動滿腥風。此鄉滋味雖然好。

不抵家園四月中。

### 無題二首

也識悠悠此意同。鶯嬌燕懶月明中。愁持玉枕呼歡伯。

靜掩金鋪賦惱公。鳳尾琵琶聽裂帛。雪衣鸚鵡鎖深籠。

鄂君欲待何能待。繡被熏香一半空。

不道魚沉雁亦沉。春深相待到秋深。藕絲節在終成粉。

蠟淚灰乾始見心。無用再貽金縷枕。何從偷度繡花鍼。

此枕合買黃金鑄。腸斷枝繁綠葉陰。

### 揚州詞

妾有明月珠○換郎追風馬○妾住新城裏○瓦屋櫻莢下○  
對月

遠燭織林靜○涼添小簾清○自經秋露洗○直睹夜珠明○睡  
妥花畱影○驚飛鵲有聲○如何常闕陷○知爾亦多情○

七夕

欲問銀河渡○勞他烏鵲飛○雙星今夜會○獨客幾時歸○  
對月

一片空城月○多情照客衣○遙知溝水畔○應與夜烏飛○

晚舟

蕪城鮑照身○嘗寄雪夜山陰興○不凡白小爲蔬呼酒醖○

綠沉漆竹點書函○螺頭古佛漂零寺○鴨嘴吳娘過往帆○  
歲歲謀歸歸未得○也應三老笑青衫○

寄家漢崔四兄捷南宮

玉峰城裏當時別○彈指於今十二秋○舊雨夢魂飛葉口○  
新春消息杏花頭○誠知左券書無負○可鑒前車轍豈收○  
魚目夜光誰辨得○題詩一問鄭長洲○

題揚赤雲小照傍有俊僮美婢侍

青衣行酒綠衣扶○宵雅風騷亦麗都○笑煞玉川盧老子○  
一無牙齒一長鬚○

題虹升獨酌圖二首

繭束羗丸似斗齋玉缸千石貯茅柴。何須荷鍤蒼頭侍  
醉死由余不用埋。

白眼看人一箇無此中未識可容吾。溲湖好乞山人筆  
添作秋林對飲圖。

姑蘇對月歌寄星南

言從姑蘇城不見姑蘇客。姑蘇城外月團團。惟見姑蘇  
秋月白爲憶姑蘇逆旅人。此時對月誰相親。猩紅美醞  
能自醉麗句清歌妙入神。可知此際篷窻底有客相思  
愁不已。餘輝寧獨照孤舟也。應流影君懷裏君見蟾蜍  
定望鄉行人道旁亦斷腸。西風滿城急砧杵九秋刀尺

愁衣裳。有懷不得從君談。念遠傷離感百端。惟餘今夜  
高天月還在姑蘇城外看。

武林歸舟

西泠渡頭雲似墨。寒風蕭蕭慘行色。篙師解纜客上船  
有淚欲揮揮不得。船頭向東船尾西。快櫓高檣送船急。  
船輕風便去如飛。回望渡頭殘照黑。歸到篷窻燈不紅。  
惟見流螢半明熄。文章不遇朋舊疎。書卷無靈向誰乞。  
愁來點檢百端生。對酒欲歌無氣力。記得初春別妻子  
夜半起炊聞太息。殘缸在几香在房。白月當窻花影直。  
紅脂映綠滿尊。稚女嬌啼立人側。回身下堂送我行。

出門喔喔荒雞逼此愁消歇未曾忘此去重將此愁激  
兄弟天涯有幾人那堪相逢暫相識三萬六千同隙駒  
人生別離真可惜孤舟和雨泊蘆灘獨自羈懷更何極  
廣陵潮汐無時休送客江南向江北明珠在握人不知  
醉把吳鈎自拂拭牀欄窸窣饑鼠行沙岸愁狐似人立  
婆娑中夜起復眠更鼓城頭又幾刻此時此恨諒相同  
要不悲歌詎能默安得縮地如長房胡苦經年只相憶  
寄答星南蘇州見懷原韵二首

千古夫差宅頻年客此中荒唐飛楚雨輕薄到吳風習  
俗寧能染孤芳孰與同無須怨睽隔靡不有初終  
兩度金閫泊無因見故人貧知爲客苦交懶見吾真奔  
走隨緣着思量有夢親分明君句在話此各酸辛

九日

菊花細雨逢重九皮酒霜螯客廣陵寂莫錦帆經幸後  
滿城宵燭賽秋燈

月夜不寐

露氣飛蟲上石堦夜涼如水澹吟齋殘燈半壁鼠出穴  
寒月一更秋滿街看竹冷陰侵白瑤繞苔空翠濕青鞋  
小溪見我又雙手烏几霜箋蚤自排

過姜肩吾齋

夜長燒燭君思我早起衝寒我到門四海飄零吾二子  
先朝故老舊諸孫肩吾爲如農先生孫文章古調誰其賞忠孝家  
風世所論已是醉心公瑾久主人何用出金尊

歲暮留別廣陵親知三首

行李關南路盲風逼歲寒翻因爲客慣轉覺別時難衰  
柳雷塘岸歸帆語水灘寂寥知後夜明月一人看  
消息南枝動遙疑着數花老親應念我殘歲未還家山  
色寒逾瘦鄉音久漸差此行吾意決歸種邵平瓜  
松菊荒三徑琴書冷一氈又辭江北客重上故鄉船伴  
我惟南雁推篷便各天惟應將別意收拾數吟箋

南還舟中

河水荒荒白似煙江城明月幾番圓長腰團米吳姬煮  
又上家鄉鴨嘴船

旋里虹升招飲贈詩奉次原韻

萬物有真贗耳食慨知鮮夜光混魚目投之孰能辨穎  
川具特識雷同不隨轉讀書研三墳精易窮大衍截業  
千仞岡孤雲橫絕巘高斷時攀躋嗜與俗迥舛賤予醜  
且拙於世更難免賢賞斯可欣凡毀乃爲善昔聞聖所  
與喟嘆獨曾撰浮言自起穢衆垢疇與洗自愧瓦缶姿  
璀璨非瑚璉辱荷言過情百觴醉成喘

春暮

白袷春衫初脫綿驚心時節惜流年採蘭上巳方修禊  
寒食清明又禁烟一尺杏泥雛燕候半城風絮賣餠天  
重來小杜勞魂夢誰貸黃金買笑錢

伏日桐臯寫詩畫竹于扇遠遺我

桐師遺我一握扇九華六角同其佳上題色絲少女之  
詩句盤拏字字飛龍蛇兼寫渭川淇水之菘竹一个兩  
个隨風斜筆精墨妙尤可寶一物三絕誠堪誇山城正  
當初伏動烈日千里燒雲霞渴隴病肺苦煩鬱科頭赤  
脚無抓爬清風忽忽起肘腋恍似故人來天涯縠紋小

簞滑如浪午睡摩腹呼僮茶新詩時展一回讀爽啜冰  
雪涼飲瓜蕭齋塵坌少樹木頰盤落影思攔遮因念荒  
廬半畝竹清陰深翠橫枝極饒眼忽見此君貌把玩不  
足如奇花寒意抖搜生枕席新芬恍惚移窻紗嗟哉筆  
墨實異事能屏溽暑驅幽遐想君雙腕有神助勢挾風  
雨聲譁譁不爾胡爲詩與畫沁入心骨如此耶道遠固  
知來意重物時亦見人情嘉匹如雪裡惠薪炭十朋和  
璧無以加世惟惟物不惟意儀不及物徒奢華深慚逆  
旅乏瓊報南望念子聊塗鴉

杭州佛慧寺僧房

石磴苔花潤秋天露氣涼鴉歸一背月雁宿滿翎霜敗  
屋藤穿壁寒泉蘚蝕牀殘灰成小劫佛殿幽桂悟餘香  
戶網蛛絲繡金銷柳帶黃破幢饑鼠走晚閣梵魚長貝  
葉持方起伊蒲供可嘗齋廚真淡泊香火漸荒唐愛此  
頻流寓悠然見上方老僧稀禮數久客易悲傷莫漫沽  
諸待還空舍則藏草玄知落莫業白悟靈光炙熱慚萊  
婦飄零懺法王明燈照孤影暮杵逼征裳交睫聊趺坐  
觀身轉激揚

八月十七夜

怕寒蚤擁薄綿衾八月深秋景已成葦岸雨殘聞雁叫

松寮雷轉落潮聲從頭軻坎思量遍合眼虛空夢寐驚  
心事牛毛芟不盡起呼燈坐到天明

重赴維揚

文章不見古人哀憂患勞生每自摧三戰而今三敗北  
一年只此一歸來途窮似類瞻烏止席暖無從去鷓鴣  
安得木奴千疋絹子孫相守錦溪隈

過姑蘇不及一晤星南到揚後率賦代柬

西陵才子東吳客未見調饑積思盈相望欲牽裳以赴  
比來仍接浙而行都緣放棄成迂懶漸與交遊厭送迎  
好約淮南飛雪後木瓜歸載共君傾



寄莊肇升

蕭寺秋風偶下帷。回頭百日百端非。君來被酒曾狂發。  
我後投書竟放歸。合浦驪珠應暫徙。延津龍劍必雙飛。  
新添氣病營醫藥。寫字鈔詩近亦稀。

北行舟中

雁影河聲盡可驚。墟煙漁火乍微明。平生雅慕歐居士。  
今日真同阮步兵。鄉舉再遭名黜污。江行重見月虧盈。  
客途况是逢搖落。未免誰能遣此情。

到揚題齋壁

東風二月遍天涯。柳巷南頭日色斜。記得紗籠紅蠟燭。  
醉看春到海棠花。山齋病卧今如夢。江水秋深苦憶家。  
客興闌珊况非昨。青衫司馬濕琵琶。

飲菊下

昔者評他隱逸非。北人爭買鬪芳菲。青錢白墮比鄰便。  
錦席紅燈笑語圍。金帶也應輸艷麗。玉環其實欠豐肥。  
菊種有名揚菊種有名揚山窻窻外離離發。憶爾幽香背我飛。  
妃者頗瘦

田家

稻香酒美歲時豐。棗熟瓜蒞欵曲通信步。盤桓成地主。  
無憂飽暖荷天公。卽同婦子從容日。不犯官司沕穆風。  
鼓腹含哺知好禮。尸鄉疑是祝雞翁。

卽事

水田歲熟稻初肥遠近箱車載滿畦一事家鄉應遜此  
紅薑夜夜剥團臍

和荅京口蔡將軍題桐師畫竹寄贈

未謁元規帳下塵西風江水每勞神太平恰喜無些事

自許尋花號酒人

將軍自號  
醉花主人

歸燕

久知身是客何必怨西風秋信鴈鴻裡故鄉潮汐中曉  
寒朱戶閉殘照畫梁空別後關心處開簾喚小僮

與肩吾

黑羊裘敝嘆蒙茸憔悴江帆十幅風仰秣驂駟同躑躅  
遶枝烏鳥任雌雄秋城念子時相背客病思家我熱中  
何日青錢挈三百大開笑口酒盃空

又與肩吾

競畫蛾眉求媚俗雖工鼓瑟枉通神笑顰詎肯隨新婦  
歌哭重來對故人願老爲農持畚鍤不貪望氣識金銀  
陽山八百株桑樹君可無求作富民

吳幼日太史過訪

蕭蕭歲晚欲歸心空谷孟城太史臨舊雨八年眞似昨  
廣陵一聚又於今江湖我竟長流寓風雅君纔是翰林

相顧亦無他慰藉極知文字有知音

寄內

渺渺江流路入胥霏霏雪意歲將除老親有汝能爲婦  
稚女驚他屢喚予消瘦病容休照鏡艱難食指嘆無魚  
伯鸞德曜真堪羨臯廡爲傭計未疎

瓊花觀

瓊花不見草離離古觀荒臺萬古遺此是後人  
暮魚晨鼓更迎誰

對雪

蕭騷悉索響侵簾老屋風欺晚更酣想是欲來催歲暮

可知已灑遍江南手皮龜坼且雙袖舌本河懸須一談  
絕好畚花嶺邊畫隣家驢子借騎探

東張小顛

紛然世事近如棋冷暖年來客裏知笑我已同秋蕪子  
羨君惟有石麟兒楓丹埜寺將寒候雪壓山城欲暮時  
若向董公祠畔過病夫樓上獨哦詩

雪中蚤起接家書

方看碎米紛紛磨旋見飛鹽密密堆宿火曉來惟自撥  
羈人獨坐有誰陪叩門忽有鄉書到問客還從何處來  
時河盡凍知是老親驚歲暮扁舟早晚雪中回

歲暮

歲暮無端尚淹跡攤書曝背坐南軒  
奪開白到一分了月看滿來十二番  
逆旅微軀粗健在蕭晨擁鼻有誰言  
荷蓑與笠吾且去冰泮渡頭人語喧

送人江口二首

朝行江水碧暮宿江月黃朝暮望故人行宿俱他鄉  
君今白門去楊柳方垂垂君去折垂柳君歸當幾時

歲暮寄幼日太史

都將身世付秋毫惟有枯腸耐濁醪  
少日功名成馬角殘年心事比牛毛  
刀頭欲賦歸來詠麈尾常陪議論豪

風物揚州吾豈戀祇應別後感綈袍

奪花

清合妻和靖嬌應助壽陽占春花妬寵嫌瘦雪添粧忽  
漏前溪月遙聞何處香祇能供客眼那不繫人腸官閣  
懷何遜僧寮卧葛彊兩年江北看一夢竹西荒飄處防  
泥淖開時耐雪霜和調終賴汝婀娜肯隨楊

瓜洲道中

楊子橋南八里鋪高旻寺口九龍灘今看又是臨瓜鎮  
夜宿還須到蒜山顧我殘年歸迫促依人新月照彎環  
塵容俯水多憔悴謝爾香醪一壯顏

渡江口號

渡頭日出山頭雨南面江陰北面晴飽趁風帆入圖畫  
澗州城郭水邊橫

耕餘居士詩集卷四

餘姚鄭世元黛參著

門人江相星左纂

歸侍集

先生既辭廣陵高郵吳太史幼日聞之欲  
延之家塾恐不可因其親先生之母姨授  
書焉既歸以疾辭先生家無負郭事硯畬以資  
俯仰是歲長侍膝下竟失館不顧也終癸未計  
一卷江相識

雨中作制科文

疎雨清我心閒堦沐如掃愧非肉食姿與俗殊醜好平  
生牙曠心此意有誰曉捫腹一軒渠山窻落饑鳥

閒居有懷

絕意蕪城客年年笑賣書懸知近端午正是喫鱖魚短

褐終畱滯扁舟失懶疎寄聲安穩卧謀食竟何如

查八星南携余帖括一部去屢札不還戲東以詩  
今之拙者莫如我吾子愛余計亦左子何嗜好與俗殊  
吾直逢人百無可世人濃抹愛新粧無鹽未必無裝裹  
此論俗嗔起贖難獨自師心志願果文成稿脫惟自讀  
竹屋蕉風冷然坐古人立言貴不朽努力為之母懈惰  
昔日昌黎力起衰李翱張籍相戴荷後有作者吾何憂  
酒酣起舞憤為墮

贈澈浦吳元復二首

孝子應昌後

尊人哀仲先生死孝

忠門定產良

中丞公諱麟瑞其祖忠節公諱麟徵

其叔祖也

小儒輕祿爵實用在行藏穎水聞巢許商山有綺

黃畱耕

堂名

讀書暇期許孰相當

縫掖今時外遺民列傳中寧從叔孫薦親炙伯夷風後

輦宗師仰諸儒理學通吾鄉惟二妙金玉足磨礪

謂陳夔一

俯恭昆季

久客武林秋衣未備夜雨苦寒戲呈周二柯雲

旅食饔飧薄秋衣絺綌存關河久斷信妻子欲驚魂眼

病花爭墮肌寒粟可捫綈袍誰戀戀炙背望朝暾

旅感

舊辭板渚客今卧虎林雲衣垢從隣浣燈寒借佛分頻

游多閱歷悔少失耕耘王國方征賦胡能四體勤

辭揚歸東友

兩年索米客天涯一日瓜洲憶故瓜不爲慢游悲遠道  
紙緣多病欲還家歸舡泊雨聽霜葉拄杖尋春冒雪花  
自卧柴門耽懶病何時歌吹竹西槎

晚霽舟中

遙樹荒烟合寒流聚藻平雨晴農有喜歲晚客孤征村  
暗連鴉陣溪喧下網聲時和無盜賊隨意石橋橫

高郵吳幼日太史延余家塾今年竟不赴約賦寄  
此詩

故人高諒真相負賤子深衷可得知不是食言留諾責  
嘗違養志繫歌思年年作客登樓賦日日懷鄉陟岵詩  
負米樵薪從此返鏡中雙鬢一絲絲

湖州道中

晚郭疎燈亂人家聚一灣水香菱芡熟田瘠稻梁艱多  
恨於時拙貪游所性頑烏程有美酒好住不須還

題畫

亂雲湘水欲同流急雨巴山自作秋日暮槎頭張網得  
一天風浪正廻舟

晏起枕上作

懶爲真與病相宜，卧向東窻日上時。未得閒身隨謝屐，只將饒口讀陶詩。

雨中集汪乾若蓮溪草堂，同孫嘯夫、周柯雲、江岷

源范文開分賦得昏字

南園舊宅古城根，十里紅蓮水到門。往昔風流花在眼，蕭條日暮雨飛村。重逢莘老三年話，辛巳秋晤嘯夫于昭慶山房起

看何山對面昏，自赴清茗成酒病。久拚腰脚泥芳尊，

次韻題蓮溪草堂五首

小橋溪路折背郭，草堂幽水長方平。砌花繁不礙樓山，童烹玉乳漁父送槎頭。睡起南窻下時時，度野謳

安樂窩誠好，無須慕一簪。百城應讓爾，五嶽肯隨禽。黃

葉題彤管，清蟬上玉琴。此間殊灑落，况復有疎林。

半月茗溪客，相招特鼓船。雁來秋露白，山看弁峰青。竹響人歸徑，花篩月到庭。酒闌門外立，疑是鏡爲屏。

故宅原承旨，蓮溪對碧峰。孤亭鷗鷺去，遺沼蘚苔封。鷗波

亭洗硯池皆松雪故址見晚無須恨，來游可許重。坐深談往事，童

杵暫停春。

不信南山好，吾偏愛此廬。到門須問戴，懸榻只畱徐。幘被將歸棹，比隣願卜居。已無城府意，科跣任於於。

依韵奉和岷源連雨約游卞山不得



小春風日空溫和昏霾一雨十晝夜陰晴反覆直如此  
號令毋乃天翁詐江郎有約弁山游歡似孩童得餽蔗  
萍號一起山無靈阮杖唐瓢竟閒暇客子鼓腹惟饗殮  
農夫荷笠憂穠稔饑鷹脫鞴起較遲寒雀衝簾來亦乍  
老鼃吹氣雲旗翻陸沉直恐傾西華白雪小猧睡穩熟  
無客打門到亭榭九轉苦與蟋蟀同怒飛恨不鯤鵬化  
冷然直欲御風行騎魚游戲天高下四大都在蒼茫中  
九點烟光寒欲射上排雲霧叫閭闔帝座呼吸通一罇  
手鑿混沌青冥喝止天吳莫傾瀉特開生面迎山神  
愁壓顰蛾頓時卸新粧初沐好遲我烏相丹楓色如炙  
且來陸博傾盃竿

題畫松壽張適圃山人

遐思此樂何壯哉捫腹不得呼啞啞因憶昌黎投書崖  
痛哭聊以代怒罵青蓑綠箬不如歸蠟屐籃輿要長謝  
烏程主人亦是佳杜康之儔伯倫亞笑我登臨既無分  
且來陸博傾盃竿

題適圃畫冊頁十絕句 并序

康熙四十二年癸未十月同海寧周二秀才敬在烏  
程江三秀才發家會張山人來山人圖小物點綴絕

工江出冊頁山人戲約某等請在別室僕一幅完各  
限韻請賦一絕句以歛縣多年陳隄糜新樣鴉青竹  
垞箋紙置几上詩成先後博進負爲戲山人據案疾  
揮蟲魚花鳥旣隨意入神而余三人冥心競先亦各  
不肯下昔楊德祖稱陳思王若成誦在心借書於手  
者顧予竟不知其作何言語存之誌一時笑樂  
細葉繁香菊滿籬一番寒意雨絲絲隣翁乞看携詩過  
正是浮蛆酒熟時  
不在湘江卽漢江秋英獨艷有誰雙鏡中莫使文君見  
恐發嬌嗔妬未降

櫻朶楊毒已過市琳琅瞥見雙赤珠朔來朔來定偷去  
未肯擲還晏大夫

莫訝山榴太紅艷十分毒雨耐清涼終窵此花能結子  
天棗穠李自春陽

菰米秋飄露氣涵半珪寒月照幽潭嫣紅落盡清香在  
結子蓮心苦自甘

何處青旗問酒家隔橋楓燒一林霞飛來寒雀不肯去  
眞道朶花與杏花

利爪自能掠狡兔振毛眞可搏鵬雛獨立清秋自饑飽  
黃衫年少空麗都

學語未能勞剪舌爲巢自拙苦無窠記曾姊妹排行八  
輸與小姨呼阿哥

黃冠下酒酒百壺老漁下斲三泖湖四腮禿尾無滋味  
分付廚娘可喚奴

初收殘雨嫩陽纔戲藻魴魚正吐腮水碧沙明清可數  
漁人挺義赤腳來

江芝三岷源兄弟招同諸子遊道峰分得碧字

我愛吳興好山色道場峰高更奇闢十年雙眼極尋搜  
百里扁舟失咫尺西遊夢寐嘗見之欲到每嗟無空隙  
此行意外不自料來似飄風絕踪跡是豈鬼神實有靈

了我夙願慰疇昔江家兄弟好事者好水好山兼好客  
烏程美醞置千斛畫鷁朋簪恣探索酒酣邀我坐上頭  
廻環四顧勞指畫是時陰森十月交秔稻香黃亂楓赤  
霜清木脫石狀變剗削巉巖露癭瘠羅羅黛尖翠可數  
羣峯爭出宛相逆遙看碧浪磨青銅仰視浮圖立岡脊  
聽泉還溯澗水行看竹偶爲籬犬嚇初登已覺眼界寬  
漸上屢驚氣象易十步廻頭九步坐境轉目移無暇擇  
仰天高誦東坡詩落齒長畱謝公屐虬松俯閣臨翠微  
白乳噴珠濺瑤席三亭巖巖拂蘚讀斷股釵痕字難譯  
同游到此乏濟勝藉草攀蘿倚危石花光在頂誰能登

二客從我丹

謂范文開

與策

謂孫嘯夫

蒼顏老衲怪客至右肩偏

袒髮垂額殷勤點示憑軒窻牙齒半落語啞啞遠看青  
弁近何山天目碧崖通地脉法華金蓋龍蛇盤雄峙西  
南遮半壁其餘錯落分向背磊砢嵯嶭勢千百東瞰震  
澤烟茫茫匹練惟餘一條白菰城彈丸土可封蒼穹尺  
五翠堪摘下臨睥睨羣動微週矚澎渤百憂釋因知萬  
事須造巔半塗而廢良可惜游情未厭還貪痴恨不此  
身生六翮糶糊七十二烟螺點點都爲白雲隔人生行  
樂不可縱茲游毋乃太豪劇蒼涼暝色疑有虎震怖欲  
下動魂魄嗟余懶性拙人事泉石烟霞有深癖塵勞苦  
爲世網拘藤杖麻鞋難自適兩年旅客廣陵一身兼  
被饑驅迫其中山水天下佳往往對面成虛擲淵明乞  
食世所悲長沙多才竟何益百年儵閃電火光賢者每  
受天公厄當此不醉非豪英陂湖明月一珪碧

燕

日暮差池影穿花故故頻與君同在客是處可憐春弋  
者無予慕天涯戀主貧清明滿棗李蝴蝶過東隣

鴈

絕塞寒先到空樓夜飽聞多年南郡客無際暮天雲白  
月人千里高秋露一羣平安過江信煩女寄慇懃

湖濱一方樓遠眺同柯雲岷源疇先賦

四海登臨眼孤舟去住心地偏疎并舍天濶迥樓陰一  
雨鷗鳧亂何年竹木深溯洄常可到休暇再來尋

太湖觀濤

天地開混沌五湖與四瀆洪鈞極揚簸血脉互流蠹具  
區四萬巨浸甲南服浩浩橫無垠泱泱滅涯隩淳滴  
繩天綱八渙渾乾軸吳越之委輸衆流所洩蓄憶昔在  
陶唐洚水兆民哭百川駭沸騰人爲蛇龍肉是水亦汜  
濫懷山并襄陸五行並汨陳吁咈誤圯族帝曰咨汝禹  
俾乂惟汝獨面審勢高下隨山以刊木經始自壺口衡

漳亦從復嶓冢磧石導河漢就衡福淮海彭蠡豬三江  
接艫舳震澤乃底定赤子免魚腹瑤琨篠簜羽黍稷麥  
重稜遙遙數千年陰共食其福我嘗駕扁舟往復百遭  
熟每每晴天光波平拭如沐今來值陰霾白浪大於屋  
喧豗蕩層雲灌泝捲飛瀑卽今已安瀾猶能駭魂目未  
知當堯年對之何跼蹙日暮風鼓怒毛髮益殼鯨狀如  
激天輪源疑發星宿八紘若崩奔六極恐顛覆銀漢聽  
倒瀉金鰲起騰逐千匹白練飛十丈雪花蹴光芒萬劍  
攢堆塚百雉築漫漫黑墳起箇箇青螺禿還如縲車轟  
村村轉機軸又如赴沙場衆馬駕五檠不爾龍戰野九

有吞其六更疑羣虎睡。鼯聲動陰谷光怪炫陸離魍魎  
見閃。■蝦蟇老成精蛟螭怒須戮虬龍之所宮獫狁之  
所畜鼃黽之所遊蚌蛤之所鬻百怪氣芻芻神鬼相黷  
黷雷霆擊破碎日月浸朏胸馮夷來擊鼓陽侯起推轂  
金支光有無精衛亦頻顛社橘不可叩犀光照何煜南  
瞰胥濤寒姑蘇走麋鹿隱隱水犀軍十萬波頭伏東接  
婁松東帆欹亂如翻吳興據其西龍溪水盈掬遙想重  
瞳子歲久尚尸祝直北渺何所蜃氣如隱穀或云大瀛  
海恍惚忘記錄四顧天迷昏羣峰氣樸檄縹緲與莫釐  
高者細於菽洞庭藐蓬島烟樹堆一簇包山有仙洞雲  
霧淡霖霖犯險不可登飛身願水縮心胸勃開豁中原  
渺稊粟因疑覆載前鴻濛在漂瀆長揖謝湖神酌汝一  
盃麴永爲東南障滔天勿流毒男兒須壯游慎勿守餽  
粥吾觀未厭心尚事窮九牧

得舍妹信

記昨秦郵路。羈棲篋社春江鄉。兄久客親串汝。良人十  
口饑寒舊。三年涕淚新。如今思見面。長絆病中身。

寄弟蘆村

就食携妻子。浮家去秀州。賣絲瘡豈補。待兔拙非謀。懶  
謝人青眼。才輸汝黑頭。騰驤雲有路。他日見驂騑。

雨夜

寒初夜少睡愁重夢俱渾市柝防秋急山鐘帶雨昏老  
鴉啼上屋獨犬吠侵門隣火容人乞詩書敝帚存

談烈婦挽詞

烈婦撫孤女十稔女  
歸之明日扼吭死

十載靡他志三朝絕粒時未亡之子在不孝阿翁知宛  
轉生非幸從容死亦奇由來覩面目強半具鬚蒼

施翼聖東荒田舍圖次原韻二首

驅除穢敗東陵計安頓疎慵谷口圖鮭菜隨常賓客供  
蜜房收直歲時租飛揚壇坫無端老憔悴鄉間不厭孤  
癖性幽棲殊嗜好知君原不是凡夫

莓花涇上披圖得長木橋南置屋來十月西成農務急  
比隣香過甕醪開慣隨鄉里雞豚社自號風塵老病魁  
中散於人誠懶惰東荒不遠隔溪隈

吳興懷古三十韻

葭管飛灰候菰城近臘天蕭條初雨雪蒼莽古山川禹  
跡均州貢防風建國先紛爭吳越地蕩析楚秦年舊日  
丹陽隸新濤震澤懸封禺當有祀藪澤總堪田不信專  
車異惟聞織貝鮮歲星占象應玄月凱歌旋夫槩城安  
在春申邑尚延六朝遺寢墓列國盛戈鋌天意誠何故  
重瞳實可憐謝塘紛蠟屐顧渚費緡錢近喜茶工撤還

聞焙院遷茗香明月峽酒味箬溪泉古意窪尊裡秋聲

竹帳邊陳高祖竹帳何山尋隱室秀邸嘆荒阡采芷蘋洲暮

聽歌子夜圓樓空八詠在亭著五花妍刺史韋景先建踪跡懷

桑苧王孫剩藕蓮屏風陳氏五主何足紀雉尾姚萇亦同編

白雀還來否烏騅久逝焉千秋真去水五馬感多賢政

事畱殘碣文章競着鞭孫蘇相奕奕顏柳盡翩翩聚墨

今誰繼孫莘老聚境內碑碣築墨妙亭題裙事尚傳風流寧歇絕水戲

足流連杜牧為州後玄真泛宅前青蓑隨處所綠葉訪

徒然烏氏家家釀紅亭處處船登臨勞極目憑弔聳吟

肩

惱春曲

黃鸝嬌啼似惱春紫燕雙宿梁間塵堯花帶雨嬌紅薄

楊花又見吹棉落誰家公子來道邊紫游韁鞞珊瑚鞭

樓中女兒十五六髻髻鴉盤黛雲綠珍珠簾申明於水

腕玉飄風颺簾起低頭無語注橫波自拈紅豆打鸚哥

美人睡起

一樹海棠嬌墮地湘烟恰罩芙蓉睡香魂化作楚雲飛

夢醒守宮猶在臂初陽瞳瞳春滿樓雙鬟嬌喚催梳頭

羅裙約腰纖指散腮花半吐紅潮流方諸多情吾語汝

昨夜襄王在何處蜻蜓飛上花梢立玉釵脫地無心拾



題女史畫芙蓉

秋江一片明於練芙蓉照水清姿茜云是佳人親寫成  
脂香粉氣生綃冑綠窻粧罷日沉沉西風細糝妖紅片  
侍兒喚到使調硃禿襟自拭紅絲硯摹花不就還照鏡  
紫毫吮破櫻桃鬢側應欹碧玉搔腕畱似礙黃金釧  
摘來疑可上釵梁一團霞暈爭嬌面乞君纖手如不惜  
我有鴉谿好東絹桁下燈前要相倩何羨神針夜來線  
癸未十一月二十二日夜余復過芝三家爲其四  
十初度賀客庭實履舄交錯梨園一部觀者如  
山主人牽衣入座執爵爲壽用綴是章當祝詞

焉

仲冬下浣日昏黑登君堂親朋錯舄舄樺燭明輝煌堂  
上紫韁毬堂下鳴箏簧梨園奏一部竹肉叶宮商歌兒  
善才舞白晷聲飄揚四座方側耳觀者如堵墻結襪行  
及門兩脚殊佺佺肩摩不能進衆中呼倉皇主人喜客  
來拜揖牽衣裳衆賓亦起問東西列成行問語未及答  
邀我坐中央喘息甫安席指我雲英漿余時心竊疑是  
宴胡爲張今夕果何夕鼓樂盈兩廂華筵孔雀屏毋乃  
喜氣翔衆賓爲余言斯言誠相當江子今四十看字軒  
昂昂瑣瑣姻與婬纍纍梓與桑躋堂來稱觥胡能相憇

忘平居當伏臘亦得雞豚將人生滿百歲自茲七舉觴  
嘗聞田舍翁西成多稻粱鄉里獻朋酒猶欲侈文章江  
家好門第奕葉流芬芳阿兄擅翰墨下筆凌班楊長蛇  
及封豕顛倒落縹緗仲氏更絕奇一石才難量屈宋衙  
官呼無論晉與唐雖階相和鳴實爲三鳳凰上有陶母  
賢六十身康強封胡並羯末繞膝佳兒郎羣從一門俊  
先後鳴琳琅以此展私意殊爲交游光聞言愧且謬無  
筐將元黃起拜君勿辭聊以祝陵岡却坐更傳醖樂闋  
天清蒼迴看頰玉盤紫氣騰東方

學博吳君招讌

蔣徑羊求過華筵水陸飛簾風不上燭山月忽飄衣鱸  
縷銀絲滑芹芽玉柱肥郎君情爛熳羈旅亦光輝

席上戲贈歌郎阿喜

被酒雙朶愈渥丹可人性子耐溫寒百分懊惱千分盡  
小字真宜叫喜官

席上喜晤臧受澄

夜來酒白罄交歡疇昔蒹蒼思折盤蠟淚銅荷歡永夕  
葭灰玉管動新寒憐才汲引今何有知己平生古且難  
積學但慚名字負論人深感老成寬

重訪蓮莊

朔風吹帽獨衝寒又過城南看鼻欄粉壁舊題詩句在  
金鍾重對主人歡兩番見面當殘臘萬事關心且勸餐  
醉起聊爲如意舞白蘋紅蓼水漫漫

畱別岷源二首

行李西來殘歲臘寒燈夜照故人情十年蓬歷慙妻子  
一日饑寒仗友生鴻雁稻梁謀轉急鱸魚蓴菜夢還驚  
心緣兩地難爲別罄爾竄鬣與玉瓶

好興每遭鄉夢擾歡場無惜醉顏酡相知兄弟如君少  
憶舊親朋似多積雪沙村鴻爪印含春江水鴨頭拖  
闌珊暮景催人去執手臨岐許再過

看劍

吳將越冶古所難紫焰玉錯金花殘護惜少年舊持贈  
摩挲中夜嘗起看吹毛立斷鷓鴣利出匣照見蛟龍寒  
胸有不平莫輕試眼前碌碌都醜酸

歲暮雜咏十四首

吾生昧生理溝壑良不辭况茲當歲寒陰長陽方衰不  
有霜雪摧奚見松柏姿冥然契天心貧賤真其時讀書  
念柴桑嘗不免斯饑行行叩門乞自嗟拙言辭我思古  
之人感此亦何爲

玄風颯然來驚心歲云暮天地未得閒日月屢新故四

時不相饒驅馳迭催赴人生於其中胡可忘恐懼少日  
無所爲壯盛忽已度逆旅本吾寄南金豈能鑄靜言一  
思之幽懷向誰付賈生昔流涕董子賦不遇茲憂何時  
歇茫茫問前路

少固不宐俗老大已性成忽忽三十載譏訶嘗交并迂  
懶本自天實不解逢迎澹泊吾所志素豈甘肥輕薪米  
日所需亦不苦經營魚魚鄉里兒瑣屑時喧爭非謝以  
鳴潔事難違已行人生貴自適安此無悔情

平生千載心消磨在故紙讀詩慕陶杜爲文事韓李靡  
靡世所趨背向孰非是不量材質微哈臺任交指亦知

輪囷株大厦傾莫倚所望同心人維持互磨砥

晨光漏簷隙晏起攬衣視呼童掃庭雪希聲靜籬門向  
婦謀酒漿料理瓶與尊借問奚所須非以御冬溫叩須  
我友來聊與數朝昏

繞膝多女兒雖女亦勝無百年自有待目前聊與娛呼  
娘覓梨栗學父書之乎雖女誠何憎所恨阿翁愚阿翁  
無他長天壤一腐儒菽麥不能辨生意日就枯值茲風  
雨晨日月其將除東隣喧爆竹西隣換棗符兒童欣過  
歲歌舞充街衢寂寞室中女回顧殊慙吾銀幡新綵衣  
鬪索相啼呼欲怒不能嗔且自撚其鬚

庭宇獨徘徊清况頗可挹藐無世俗情塵囂不相入炙  
背南軒下饑禽自飛集婦子獻雞黍壺尊盡餘汁雖無  
負郭田倉庾少儲粒不苦租稅忙亦免征歛急詩書有  
深味八口聊藉給食力無天殃吾愚笑誰及高堂祿養  
難所愧頭戴笠

故鄉有荒廬盈盈剡溪上薄田半頃餘歲以供鬱鬯先  
祖罹百凶浮家苦飄盪行行去鄉閭卜居幽湖向嗟我  
亦行役里門日相望春秋未得歸松柏幸無恙多恐百  
年間牛羊雜樵唱所賴賢子孫思之增悒快

私幸交契好所與皆豪賢豪賢不我鄙締盟金石堅拳

曲亦何取性復清而偏在今惟脂韋有道殊不然曰予  
具性情嘗自任其天

失業苦家乏每至累友朋江源岷書昨夜來詞繁字如蠅

歲事爲我營高義殊難勝亦有查滂與吳曾守憂我廢寢

與秋風揚輕帷夜剪西窗燈對坐共唧唧絮語猶填膺

敬也亦窮餓才大人遭凌愛我忘我醜到處延聲稱

今晨平頭奴傳語自陳登虹知我盡無粟輸將可百升

嗟哉友誼替道諛今何憑吾徒皆古人予亦何兢兢

傲居在塵市土沃風頗嬖出門遇狂且向我誇勢利咄

哉彼區區毋乃鄧董類銅山胡足榮割袖良可愧我非

學輕薄儒者貴名義

世人非黃金結交恐不深斯言有至理慷慨時悲吟本  
非以金交亦以明交心眼前悠悠者疇其解此音

在昔適茲土期功少強親雖有我同父儂焉三四人伯  
也多兒女謀食殊苦辛季也尤寂寞饑卧長洲春有妹  
在秦郵連年遭水湮并無音書來消息都非真思之恒  
鬱陶况逢歲時新聚散自古然無使憂傷身

維南有慈竹子母恒相依維烏猶反哺出入時隨飛念  
此中腸摧不如一物微吾生二十年便已失慈闈孩童  
苦無知逮事事已非日既有室家聊可脩蕨薇生無以

爲養顧影嘗歔歔天壤吾罪人涕落獄沾衣

半月泉

寶地傳清梵孤亭淨碧莎泉光分半月碑影立深科大  
手憑誰試遺踪復我過建文魏棟在

亭上有建文二年號慈相寺名

法雲多石秀山皆紫溪寒水不波幽光明沼沚古壁掛  
藤蘿清冽知餘不蕭閒念老坡鑑形憑石磴晞髮想陽

阿



